

RADUNANZA CUMÜNELA

92. Protocol dals 21-08-2019 - 20.15 h

Il president cumünel, sar Andrea Gilli, po salüder 50 persunas cun dret da vuscher, v.d. 7% dal totel da las votantas e dals votants, a la radunanza cumünela illa Seletta da la chesa da scoula a Zuoz. El salüda specielmaing a duonna Ladina Tarnuzzer chi fo part la prüma vouta scu cusgliera ad üna radunanza cumünela.

Scu scrutinaduors vegnan numnos e tschernieus per la vart schnestra vers Arpiglia e la maisa dal cussagl sar Patrick Steger e sar Niculin Arquint per la vart dretta vers Albanas.

Las tractandas vegnan acceptedas scu propostas.

- | | | |
|-----|---------|------------------------------|
| 543 | 01 | Organisaziun da vschinauncha |
| | 01.C | Radunanza cumünela |
| | 01.D.01 | Appruvaziun protocol |

1. Protocol da la radunanza cumünela dals 1. meg 2019

In sieus pleds d'introducziun per quista tractanda declera il president cumünel cha'l protocol da la radunanza cumünela dals 1. meg 2019 es sto publicho vi da la tevla naira e sulla pagina d'internet da la vschinauncha dals 3 meg 2019 fin als 2 gün 2019. Ils votants e las votantas vaivan dimena temp 30 dis düraunt il temp da publicaziun per inoltrer eventuels recuors cunter il protocol. Siand cha que nu d'eira il cas vela il protocol automaticamaing scu accepto. Il president ingrazcha al chanzlist per la cumpilaziun.

- | | | |
|-----|------|--|
| 544 | 06 | Ütil public, assistenza sociela, affers poverils |
| | 06.L | Chesa da fliamaint |
| | 03 | Finanzas |
| | 03.E | Obligaziuns da süerted |

2. Contrat da garanzia solidarica per l'inter debit da las vschinaunchas da Schlarigna, Puntraschigna, Samedan, Bever, La Punt Chamues-ch, Madulain, Zuoz e S-chanf a favur da la Promulins SA illa dimensiun da max. fr. 53.5 milliuns

La missiva per mauns da las votaziuns cumünelas illas vschinaunchas concernent il contrat da garanzia solidarica per l'inter debit da las vschinaunchas da Schlarigna, Puntraschigna, Samedan, Bever, La Punt Chamues-ch, Madulain, Zuoz e S-chanf a favur da la Promulins SA illa dimensiun da max. fr. 53.5 milliuns es gnida trmissa culla bannida. In sieus pleds d'introducziun citescha il president cumünel ils puncts pü importants our da la missiva ufficiela e declera l'istorgia da quist proget pretensius a maun d'üna preschiantazion da Powerpoint fich detaglieda. Zieva l'introducziun surdo el il pled a sar cusglier Romeo Cusini, chi preschainta il proget da fabrica in detagi. Siand ch'el es involvo scu president da la cumischiun da fabrica dal proget Promulins cugnuoscha el il proget fich bain. Sar cusglier Romeo Cusini preschainta a maun da plans d'architectura il nouv concept dal center da dmura in avegnir. Zieva tuot la fasa da fabrica chi düra fin dal 2023 staun a disposiziun

totel 60 lets cun üna reserva da 28 lets, voul dir totelmaing 88 lets. In cas cha las vsch이나unchas sura (San Murezzan, Silvaplauna e Segl) nu realiseschan lur proget Du Lac pudessan aucha gnir construieus ulteriurs 29 lets, que chi dess ün totel da 117 lets.

Zieva las spiegaziuns da sar cusglier Romeo Cusini piglia sar cusglier Lucian Schucan il pled e declera las dimensiuns e consequenzas finanzielas. Ils cuosts da fabrica s'amuntan sün totelmaing frs. 46.5 milliuns. Scha vain realiso eir il concept da reserva schi s'augminta il totel sün frs. 50.7 milliuns, dimena na bger dapü. Üna garanzia solidarica u (eir numneda) süerted per l'inter debit es ün contrat cun obligaziun unilaterala, tres il quôl il garant solidaric, dimena las vsch이나unchas numnedas e da quellas Zuoz cun üna part da 11.57% u frs. 6,2 milliuns, s'oblia visavi l'institut chi conceda l'imprast da garantir cha'ils impegn (fits, amortisaziun dal debit) dal debitur da l'imprast (Promulins SA) vegnan accumplieus. Üna süerted voul dir cha la vsch이나uncha nu stu pajer dalum üna contribuziun finanziela, ma scha que fess dabsögn schi cuosta que ün import da frs. 150'000.00 sur la düreda da 40 ans.

Il president cumünel preschainta las parts da scumpart da las otras vsch이나unchas e cha la decisiun sto però suot la resalva da l'appuvaziun tres las otras vsch이나unchas partecipantas. La decisiun illas otras vsch이나unchas vain piglieda dapertuot düraunt ils prossems dis u es fingià capito, per exaimpel a Puntraschigna, chi ho già aderieu a la dumanda. Zieva quistas spiegaziuns detagliadas evra il president la discussiun.

Ün votant ingrazcha per las bunas spiegaziuns e voul savair quaunts lets chi staun a disposiziun per ün asil da vegls. Sar cusglier Lucian Schucan respuonda cha las fuormas da ster hozindi pü lönch a chesa s'haun müdedas eir grazcha a la Spitex, uschè cha's discuorra propi d'üna chesa da fliamaint.

Üna votanta voul savair che sistem da s-chodamaint cha vain realiso. Sar cusglier Romeo Cusini declera cha que do üna rait da chalur insembe cullas scoulas da misteraunza e cha la chesa da fliamaint vain tacheda vi da quist sistem, chi basescha sün sondas da chalur.

Zieva cha la discussiun es exausta passa il president a la votumaziun. La radunanza cumünela da Zuoz aderischa cun 50 counter 0 vusch unanimamaing al contrat da garanzia solidarica per l'inter debit da maximelmaing frs. 53.5 milliuns.

545 11 Fabricas
 11.G Planisaziun dal lö

3. Infurmaziun plan directiv cumünel da planisaziun (KRL)

Il president declera cha la revisiun da la ledscha da planisaziun (RPG 1) pretenda üna mobilisaziun consequenta da las reservas d'usufrüt vers inaint. Que voul dir cha la planisaziun stu gnir sviluppeda in möd cha las reservas vegnan sfrüttedas il meglider pussibel. Eir la vsch이나uncha da Zuoz as ho dedicheda a quista lezcha ed elavuro ün muossavia in pigliand in consideraziun diversas gruppas d'interessents, chi haun güdo da furmer il plan directiv chi'd es uossa avaunt maun, ma stu tenor rimbomb dal uffizi chanuntel gnir surlavuro per part. A maun d'üna preschantaziun da Powerpoint preschainta el il proget in detagl. Sper frasas da guida as ho stuvieu definir üna visiun ed elavurer strategias per river al böti. Il president repassa punct per punct uschè cha'ils preschaints

clappan üna prüma survista sur dals champs pertuchos, ils böts e las imsüras. Il president declera cha tenor il rapport dals uffizis chantunels es da surlavurer il documaint uschè cha ün'exposizion publica segua pür pü tard düraunt l'utuon e l'inviern. Düraunt quista fasa po la populaziun da Zuoz alura fer propostas ed intimaziuns a maun dal cussagl cumünel. Scha mê pussibel dess il concept gnir suottamiss a la radunanza cumünela in favrer 2020. La documainta pertuchanta vain publicheda a temp ütil sulla pagina d'internet suot www.zuoz.ch u po alura gnir retratta ill'administraziun cumünela.

546 01 Organisaziun da vsch이나uncha
01.D Cussagl cumünel

4. Infurmaziun strategia Zuoz 2025

Il president declera cha zieva cha'l program d'acziun 2020 riva ad üna fin as ho il cussagl cumünel dedicho in möd intensiv culla s-chaffida d'üna nouva strategia cun ün orizont da tschininch ans per la vsch이나uncha da Zuoz. Insembel cun bgers perits as ho elavuro in numerosas tschantedas e maisas arduondas ün palperi chi dess garantir ün svilup da la vsch이나uncha da Zuoz in möd positiv. Il president declera scu cha la tematica pretensiusa es gnida elavureda. La missiun «River per rester. La meglidra vita illas muntagnas. Zuoz» ed il «Spiert da Zuoz» dessan in avegnir esser la fundamainta per ün barat animo ed ün svilup prosperus.

La populaziun ho davent dals 24 avuost 2019 la possibilited da piglier pusiziun düraunt üna fasa da cooperaziun publica chi düra fin als 30 settember 2019. Zieva vegnan eventuels tschegns elavuros e scha necessari integros illa strategia, uschè cha quella po gnir suottamissa a la radunanza cumünela da la fin november 2019. La nouva strategia dess entrer in vigur süls 1. schner 2020. La documainta pertuchanta vain publicheda sulla pagina d'internet www.zuoz.ch u po gnir retratta ill'administraziun cumünela.

Üna votanta ho üna dumanda in connex cun quists duos progets ed ho l'impresechiun cha que as tratta dal glistess. Il president precisescha cha'l KRL do il ram e cha la strategia es ün livel pü bass e pü concret.

547 01 Organisaziun da vsch이나uncha
01.C Radunanza cumünela
01.C.05 Infurmaziuns

5. Orientaziuns

Scu üsito orientescha il president cumünel sur da la spartizun dals decasteris e la nouva constituziun dal cussagl cumünel. Illa tschanteda dals 3 lügl 2019 ho il cussagl decis seguaintamaing:

DECASTERI:	DEPÜTO:	SUPPLEANT:
1 President cumünel, admin., persunel	Gilli Andrea	Ratti Ramun
2 Finanzas, provedimaint sociel, stabels	Schucan Lucian	Gilli Andrea
3 Scoulas e cultura	Cusini Romeo	Schucan Lucian
4 Turissem	Ratti Ramun	Tarnuzzer Ladina
5 Fabricas, planisaziun	Florin Christian	Cusini Romeo

**6 Pulizia, agricultura, alps e gods
7 Vias, trafic e digitalisaziun
8 Prov. ova, chanalizaziun, pumpiers,
iglümazia ed immundizchas**

Gilli Andrea
Wieser Luis A.
Tarnuzzer Ladina

Wieser Luis A.
Tarnuzzer Ladina
Florin Christian

Scu vice-president cumünel es gnieu confermo sar cusglier Ramun Ratti.

Il president preschainta a sar Patrick Steger scu nouv chanzlist da la vschinauncha da Zuoz. El cumainza sia plaiv ils 2 settember 2019 e vain elavuro aint dal vegl chanzlist Claudio Duschletta.

La piazza da scoula vain lascheda fin als 15 settember scu fin cò, zieva vegnan alluntano ils s-chabels da la Lia. L'üert dess rester scha pussibel fin in october. Eir la saiv da fier nu vain pü monteda cumplettamaing, ma a sun gnieu miss bauchs cun fluors e per tschanter giò. Il cussagl discuta la fatschenda düraunt l'utuon e prevezza da gnir illa radunanza cumünela la fin da november cun üna proposta a regard il futur da la piazza da scoula.

La zona da planisaziun po gnir scholta prosmamaing, zieva cha las zonas da fabrica in vschinauncha sun gnidas verifiedas ed ils resultats demuossan cha Zuoz nun ho memma reservas da zona da fabrica.

La seguond'etappa da la sanaziun in Foura Chanel ho cumanzo in lündeschdi e düra fin d'utuon.

Il parkegi Chastlatsch vain sano tenor plan da quartier cun üna pista da betun. La societed da fabrica Blaisun surpiglia 50% dals cuosts. Cun quistas imüsuras vain amegldreda la quality dal parkegi pels abitants pertuchos ma eir pels giasts chi vaun culs skis.

548	01	Organisaziun da vschinauncha
	01.C	Radunanza cumünela
	01.D.02	Varia

6. Varia

Il president ingrazcha a tuot las societeds da Zuoz chi haun partecipo a la granda festa d'anniversari da la Lia Rumantscha ed eir als cunfinants chi haun gieu da supporter üna tscherta canera. Ün ulteriur grazcha fich vo al comité d'organisaziun e lur presidenta Ladina Tarnuzzer pel cortegi da giubileum e l'evenimaint dal Concours fich gratagio.

Ün votant fo ün grand cumplimaint al cussagl ed a la gruppera da lavur per las activiteds in connex cul giubileum da 100 ans Lia Rumantscha ed es da l'avis cha la preschentscha illas medias es steda grandiusa. El fo ün cumplimaint eir al president per sieus discours fich gratagios. La radunanza applaudescha a quist votum. Il president do gugent inavaunt l'ingrazchamaint a quels chi haun lavuro intensivmaing düraunt las ultimas trais eivnas ed eir düraunt ils temp da preparaziun.

Üna votanta dumanda scha la vschinauncha pudess metter a disposiziun ün auto electric per fitter per indigens e giasts. Impü füssa da piglier resguard sül urari dal trafic public cun

organiser occurrentzas publicas. Il president respuonda cha la dumanda dal auto po gnir discusa e cha la spüerta turistica vain fingià adatteda inua pussibel.

Il president cumünel piglia l'occasiun per ingrazcher a sar Gian-Rudolf Caprez, chi'd es sortieu la fin da gün 2019 dal cussagl cumünel. Sar Caprez ho lavuro düraunt bgers ans scu mneder da la grupper da lavur e büschner per la vsch이나uncha da Zuoz. Zieva ch'el ho müdo ill'industria privata es el alura dal 2000 gnieu tschernieu la prüma vouta aint il cussagl cumünel, inua ch'el ho servieu duos voutas trais triennis, dimena totelmaing 18 ans a favur da la vsch이나uncha da Zuoz. Impü d'eira el activ in bgeras cumischius ed es actuelmaing auch'adüna president dals vschins da Zuoz. In möd umoristic fo il president ün sguard inavous cun quist temp muvanto, ingrazcha a sar Gian Rudolf Caprez per sieu grand ingaschamaint ed al surdo il s-chabè da cussagl cun üna buna butiglia da vin scu regal da cumgio. La radunanza cumünela ingrazcha a sar Caprez cun ün lung applaus.

Sar Gian Rudolf Caprez ingrazcha a la populaziun da Zuoz ed als collegas da cussagl per il bel temp e pel grand sustegn düraunt ils bgers ans.

Siand cha nu vain pü dumando il pled ingrazcha il president cumünel a las votantas ed als votants per la cumparsa, per la buna discussiun, serra la radunanza a las 21.35 e giavüscha a tuots üna bella saira.

In buna fè

il president

l'actuar

Data da publicaziun:
Zuoz, ils 27 avuost 2019